

行人詩草

【詩】

詩二首

范道瞻

春去

春去花如洗 油油碧草齊 微風扶燕過
落日伴鶯啼 漫浪自何托 遲回影自攜
步隨流水遠 心赴海雲西

四月

四月連朝雨 浮花未易尋 離愁鄉信渺
歸夢曉寒侵 口味虛吳膾 生涯付越吟
浮雲長蔽日 空負遠遊心

詩二首

張白翎

奉和畢彩雲女史併呈諸吟侶正和

排遣端憑筆一枝 論交天下友兼師
幾經劫火留詩作 大半生涯在硯池
歸里淵明知未晚 尋春杜牧恨偏遲
遙賡古調應相慰 又恐蕭騷不入時

(附原音)

不聞青鳥落高枝 卻憶當年一字師
開拓雖能排路障 歸途豈可越雷池
青春友夢書偏少 歲月無情愛已遲
桌上文章誰指點 忍看月上柳稍時

詩五首

翟因壽

慣鬻雕蟲技 忘年誤退休
乍驚春早逝 落個晚來秋

我本鄉人子 隨波入世流
心珠千百轉 喜未負清修

浮生頻進退 負荷總無殊
突爾思歸路 田園尚未蕪

獨看韓江月 銀光漸入秋
孤心馳故國 未泯舊恩仇

我亦飄零久 重洋到處家
居停十百轉 無計話桑麻

詩二首

張長齡

美國九一一

霹靂崩騰震九垓 柳營賈廈夷塵埃
百千奪命寒神魄 遐邇奮身極禍災
何限淚聲嘯誰訴 無窮惶迫全民哀
穆刀摩杖寢休矣 弭戰齊盟福厥來

美洲遇故人

乍逢異域硯窗友 停轂班荆多苦辭
亂世不堪客裡遇 滿頭銀髮盡愁絲

詩二首

李辰雄

向天湖

日前走蝴蝶步道無蝶，經二子坪至向天湖，

水枯，惟景色宜人

夏蟬長鳴吐芳吟 谷音不絕感遊人
蝴蝶步道蝶不見 向天湖上木成林
尋幽訪勝今所夢 秀嶺蒼茫鬱森森
二子坪前漫步過 靈修清野淨我心

饗宴

八十七年在西雅圖巧遇時往訪之台中港務局黃局長清藤，促成與甘比亞班竹締盟。黃局長嗣改任高雄港務局局長，於六月十二日餐敘，秦司長日新，陳副處長俊明及武副廠長仲莊等座。

西城巧締緣 兩港終心牽
遠邦探新友 攬勝輒流連
幽尋故舊侶 酒置芳茗前
滔滔香留頰 念念不成眠

【詞】

詞兩闕

倪搏九

洞庭春色

謝換鵝書會諸公惠贈集墨長卷

盛唐舊事 十八學士 同步瀛洲 喜蓬萊春暖 換鵝東觀 臺閣香滿 墨染西樓
筆掃天門龍虎臥 更石鼓散盤草聖幽 永難忘 那百千墨陣 十五王侯
曾作澹廬門客 更點染 連氏清流 有長卷丈許 敢勞尺璧 心香一瓣 敬謝銀鈎
我已鬢毛脫將盡 正洗硯北亭思故丘 黃亭獲 問換鵝與否 一笑休休

水調歌頭

賀春人詩社創立五十週年

春人出蓬島 瞬焉五十年 箇中滋味嘗盡 辛苦易甘甜 半世紀來培育
種出梅花萬樹 高唱依南山 天教詩翁健 頻結文字緣 疑杜老 憐李白 笑樂天
阮亭神韻 覃谿偏好肌里研 列座藝林名士 盡是詩壇高手 吐氣均如蘭
願聞猗蘭操 幽谷仰耆賢

一枝花

題張大千先生八十四歲誕辰奉頌中正勳章謝辭，並贈海天先生。

天上摹雲手 人間懸河口 奉頌中正勳 如山斗 看謝辭一篇 直是錦心繡
懷母教深恩 昆仲師承偶 憶寫佛敦煌 更向塵寰遊走 歸來也 潑墨如酒
佳人共白首 摩耶精舍 鸞鶴耦 寫萬里長江 問曾題名否 幸梅丘千古
精品長存 端有賴 當年舊友

註：末句指旅日僑領李海天先生

蕪詞口占小令兩闕

程時敦

蝸居屋後栽有國花，屋前滿植杜鵑，花壇外草坪，臨街處老櫻參天成行，舊曆新歲後次第盛開至夏不衰，
首為寒梅，次為櫻花，再次杜鵑，每年花事如此渡過。月前醉中感懷時事先後口占小令兩闕遣興，
錄存如下：

西江月

國是蝸蟬難說 老懷何處安排 落英遍地惜寒梅 春愁被酒無奈
白髮豪情猶邁 韶光一去不回 客夢依依在海涯 雲山萬里天外

太常引

繁櫻謝了杜鵑紅 花事太匆匆 一春等閒度 流光易逝怨東風
豪情猶在 華年云邁 回首恨無窮 莫放酒杯空 澆磊塊 醉倒詩翁